

Alkitab Buat Bocah Nampilin

Yesus ama Zakheus



Nyeng nulis: Edward Hughes

Nyeng bikin gambar: Janie Forest
Alastair Paterson

Nyeng nyocokin: Ruth Klassen

Nyeng terjemahin: Matheus Nalih Ungin

Dibikin buat: Bible for Children
www.M1914.org

©2023 Bible for Children, Inc.

Perijinan: Enté boleh ngegandain atau nyetak ini cerita,
selama enté kagak ngejualnya.





Satu ari, Yesus ngelewatin jalan ke Yerikho. Kota ini pernah diancurin ama Yosua udah lama banget. Sekarang kota ini dibangun lagi dan banyak orang pada netep di sono. Satu dari mereka nyeng netep di kota itu, ada seorang nyeng namanya Zakheus.







Bisa jadi orang-orang di Yerikho kaga suka ama Zakheus, karena dia tukang mungutin pajak dari mereka. Zakheus ngirim duit hasil pungutan pajak mereka ke pemerintah, tapi dia nyimpen sebagian gede buat dirinya dewekan.



Jadi seorang tukang pungut cukei bikin Zakheus kaya banget. Rumahnya bisa jadi nyeng paling GEDE ama paling BAGUS di sekiteran itu.



Tapi dia juga bogel, kaga kekurangan duit, tapi pendek awaknya. Zakheus kaga bisa tinggi kaya nyeng laen.





Pas Zakheus ngedenger kalo Yesus ada di Yerikho, si tukang paungut cukai nyeng bogel ini pengen ngeliat Orang dari Nazaret nyeng nyatain di Anak Allah. Tapi orang banyak itu bejubel...orang-orang nyeng tinggi.





Zakheus punya akal. Kalo dia bisa ngeduluin orang-orang banyak itu...naek ke atas puunan nyeng doyong ke jalanan... dia bisa ngeliat Yesus.





Pas dia naek ke atas puunan, Zakheus nemuin satu cabang nyeng enak disela-sela cabang nyeng laen, dia duduk di sono nungguin Yesus. "Aku bakalan bisa liat dengan jelas," begitu dia pikir.

"Aku bakalan ngeliat Dia, meski kaga keliatan."



"Zakheus, turun!" Si bogel tukang pungut cukai itu ampi-ampir kaga yakin ama pendengerannya. Yesus diri di bawah puun. Yesus ngeliatin dia. Yesus manggil dia!






Zakheus kaget
bangat pas ngedenger
Yesus manggil dia, dia
pasti kememegan pas
Yesus bilang, "Ari ini
Aku mao numpang di
rumahmu," Cepet-
cepat Zakheus turun
dari puunan dan dia
ampir aja jatoh.



Zakheus sampe ngedredeg atinya pas Yesus pengen nengokin rumahnya. Tapi orang-orang pada kaga suka. Mereka kaga terima kalo Yesus nengokin orang bedosa kaya Zakheus.






Yesus ngebawa idup baru bagi Zakheus. Zakheus bilang, "Tuhan, separo dari bandaku bakal kubagikan pada orang melarat dan seumpamanya ada sesuatu nyeng kuperes dari seseorang bakal aku balikin empat kali lipet."



Yesus seneng ama keidupan baru Zakheus. Dia seneng ngeliat orang-orang ninggalin dosanya dan ngelakuin apa nyeng bener. Yesus bilang, "Sebab Anak Manusia dateng buat nyariin ama nyelametin nyeng ilang." Ari itu di Yerikho, Yesus nemuin Zakheus.



Yesus ama Zakheus

Sebuah cerita dari perkataannya Tuhan, Alkitab

Ditemuin di

Lukas 19

"Palang pintu Firman Engkau ngasih terang."
Mazmur 119:130



Tamat



Ini cerita Alkitab nyeng nyeritain kita soal Tuhan kita nyeng keren, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang banget sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

